

Q. F. F. Q. S.

De

PHÆNOMENIS
HISTORIÆ NATURALIS
MEΛETHMA PHILOSOPHICUM,

Quod

*Ex liberalitate & consensu inclyti Ordinis
Philosophici in regia & celeberrima
Upsaliensi Academia,*

Sub PRÆSIDE

Amplissimo VIRO,

Dn. HARALDO
VALLERIO,

Math: Prof: Reg: & Ord:

*Publico & equo Eruditorum Examini,
pro honoribus in Philosophia solemniter obti-
nendis, reverenter & modeste subicit*

S.æ R.æ M. cis

Al.


MARTINUS BRYTZENIUS.

O - Gothus.

*Tempore ante meridiem solito, in Audit. Gust.
Maj. a. d. Idus Maj. ANNI MDCC.*

UPSALIÆ.

Typis KEYSERIANIS.



Reverendissimo in Christo PATRI & DOMINO

Dn. H A Q V I N O

S P E S S E

S. S. Theol. DOCTORI, & celeberrimæ, per Gothiam Orientalem, Diœcesios EPISCOPO eminentissimo, Consistorii Ecclesiastici, quod Lincopiæ est, PRÆSIDI gravissimo, ut & Gymnasii ibidem regii, Scholarumq; per universam Diœcesin EPHO-

RO & PATRONO laudatissimo,

MÆCENATI meo benignissimo,

Salutem & obsequia!

Cum. sine. Patrono. tenellus. hic. &. juvenilis. fœtus. prodire vereretur. circumspicienti. mihi. cui. potissimum. me. meaque. commendarem. fuisti. Tu. Pater. Reverendissime. præcipuus. cui. hoc. debebam. multis. de. causis. Tum. quod. virtutis. artiumq;. liberaliũ. amore. mirifice. teneris. earumq;. laude. ac. patrocinio. magno. opere. delectaris. tum. quod. beneficia. tua. eximia. in. quorum. partem. insignem. me. tuorum. licet. minimum. nullo. meo. merito. vocare. voluisti. atque. consiliis. juvisti. hoc. postulant. ut. opellam. hanc. debitæ. in. Te. Venerationis. obsidem. in. spem. efficacioris. commendationis. Tibi. inscribam. sacramque. esse. jubeam.

Magni Tui NOMINIS

Cultor humilimus

M. B.

Max. Reverendo atque Celeberrimo Domino

M. JESPERO

S W E D B E R G /

S. Theol. in Academia regia & inclyta
Upsalienfi, PROFESSORI prim. Ecclesia-
rumque ibidem PASTORI & ARCHI-
PRÆPOSITO gravissimo,

PATRONO & PROMOTORI meo suspiciendo,

VIRO Reverendo admodum & Praclarissimo

M. SIMONI ISOGÆO,

Ecclesiæ Holmensium, quæ ad Ædem S. Cla-
ræ Christo adseritur, PASTORI celeberrimo,
Consistorii ibidem ADSESSORI æquissimo,

PATRONO meo certissimo.

Neque. fuit. consilium. Patres. max. Reve-
rendi. absque. submissa. Nominum. Ve-
strorum. compellatione. pagellas. hæc. emit-
tere. præsertim. quum. in. Ecclesiæ. & Reip.
literariæ. salute. summa. sit. Vestrarum. deli-
ciarum. vestrorum. votorum. unde. me. Cli-
entem. vestrû. fortuna. paulo. asperiori. non-
nunquam. luctantem. ac. tantum. non. sup-
pressum. benigne. erigere. voluistis. & re ipsa.
benevolentem. vestrum. animum. erga. me.
sæpius. ostendistis. Accipiat. igitur. hoc.
quicquid. est. conaminis. in grati. memorisq;
animi. testimonium. faciles. atque. faventes.

Max. Reverend. NOM. Vestrorum

Cliens devotissimus

M. B.

Ad Lectorem Benevolum.
Præfatio.

Esset jam B. L. cujus causa in præ-
senti mirareris, considerans conamen debilita-
tis meæ, quod de ea materia loqui sum ausus, cu-
jus aquam tot viri excellentissimi antea non faci-
le exhausserunt; nullam tamen particularem natu-
ræ partium picturam hic exhibui, sed generalem
solum, in qua non tam singulæ rerum species,
quam Partes earum Constitutivæ, descriptæ
cernuntur. Sed scias, velim, animum mihi haud
fuisse de rebus naturæ præcipuis ac singularibus hic
scribere; sed ea modo, quæ sensu aperto viden-
tur comprehendendi, quaque sensibilia Composita
seu Elementa communiter vocamus, breviter at-
tingere. Proinde & eum, quem præfert, titulum
commode adhibere me potuisse speravi: Revera
enim pagellis hisce qualibuscunque, ob excellentia
earum objecta, competit, & quæ ab aliis non-
nunquam collecta adduxi, ulterius tamen exco-
lenda & perficienda, sine rubore offerre non du-
bitavi; ut ut omnia eorum arcana non observave-
rim. Hoc præsertim nomine, B. L. rogandus mi-
hi es, ut quæ legens candido ac benigno oculo
conspicias, excuses, atque etiam quæ non placu-
erint humaniter corrigas, amplifices, exornes. Sic
enim fiet, ut magnum parvo includendo, si non
ad rerum naturalium intelligentiam perfectam; ad
minimum ejusdem imaginem non prorsus degene-
rem perventurum me aliquando deprehendes. Vale.



§. I.



D *Duo* præcipue hominem conditum esse, ab Eruditorum testimoniis, & ipsarum rerum experimentis jam dudum cognitum esse, nemo, quantumvis ignavus sui que immemor, facile negaverit. Quæ duo certe, præter summi conditoris gloriam, ad quam res & actiones omnes naturali ac tenaciori quodam instinctu referuntur, alia esse nequeunt, quam *Cognoscere & Agere*; ut pote quibus quicquid humanum est constat, & perfectissime absolvitur. Sic etenim voluit, sic iussit ipse summus rerum Arbiter Deus, ut homo, cui creata omnia in usum & commodum cederent, in quo etiam notitia & testimonium ipsius, peculiari quadam ratione reluceret; iis gauderet facultatibus, iisque donis, qui-

A

bus

bus majestatem creatoris, ex operibus manifestatam, verè cognosceret, cognitis autem, pro ea, quâ decet, quæque in rebus humanis est, vel jucunditatis vel necessitatis ratione, uteretur. Qua quidem de causa, anne homo rerum creatarum finis sit, multos Eruditorum inter se contendisse accepimus; quia dotibus tam præclaris, & ad stuporem usque factis, est adornatus, ut consilio tam divino adesset successus, utque Creatoris in homine voluntas & sapientia esset testator. Verum hæc sententia, ne ad gravio-rem disputationem transferatur, hactenus cautum esse volumus, quatenus instituti nostri ratio brevitatsque nobis imperata eandem hic minus ferre posse videtur.

§. II.

Media autem, quibus facultates, à Deo hominibus concessæ, exerere se commodissime queunt, sunt variæ illæ



læ disciplinarum partes, quæ mentem humanam multiplici operandi modo insigniter informant & perficiunt. Inde enim ea hauriuntur, quæ usui & delectationi in vita inserviunt, haud secus ac apes, quæ mirabili artificio ac industria succum ex flosculis collectum in suos favos convertunt. Estque hoc quod primum laudi tribuitur *Hermocrati*, quod, præter cæteras virtutes, quas ex Græcis addidicit, ἐπιμέλειαν (a) acceperat; quæ alia esse non poterat, quam *judicii dexteritas*, de rebus necessariis; verbi causâ, de ratione dicendi & scribendi, de numeris, de motibus cælestibus, de natura rerum, de officiis virtutum, de historiis aliisque. Proinde quoque nihil in toto hoc universo contineri voluit Deus, quod sub conceptionem hominis cadere, cujusque aliqua notitia haberi non potest; quemadmodum nec ullam deprehendimus rem creatam, quâ

(a) *Xenoph. lib. I. de rebus Græcis.*

quâ non indiget ac uti potest homo. Et hac præsertim ratione *ζωγραφία* & imago vera eorum, quæ sensibus passim obvia sunt, in vita humana existere potest, variaque eruditionis simulacra ad cujuslibet *φιλοτέχνημα* transferri & converti. Ex omnibus vero disciplinis ac scientiis *historiam* maximè necessariam esse, eo potiori jure existimamus, quo certius cuivis constat, nullam aliam luculentiori & certiori modo rerum causas & incrementa, itemque proprietates genuinas & fatales interitus coram proponere: quemadmodum nec solum in laude ponitur de rebus recte sentire, sed & quæ sentimus apte proferre aliisque persuadere. Estque, ut arbitramur, hic solus & unicus modus, res omnes, imo ipsam vitam humanam, ab oblivione vindicandi; adeoque temporis injuriæ, quæ res cunctas mutat, terit, edit & sæpissime obscurat, sic obviam eundi, ut è memoria hominum plane non excidant.

§. III.

Pro varia autem ratione Objecto-
rum Historiæ, dispesci illa eruditissol-
let varie quidem, præcipue vero in
Naturalem & Civilem, (b) vel secun-
dum alios in *divinam, naturalem &*
humanam. (c) Quam divisionem eo
lubentius nos hic sumus amplexi, quo
certius novimus, rationes & auctori-
tates suas singulis harum constare.
Quia verò tum in *Codice sacro* præ-
sertim, tum in auctoribus profanis
illa passim occurrunt & interdum fe-
re luxuriant, quæ ad indolem & ar-
gumentum *divinæ* simul ac *humane*
adsequendum faciunt, de naturali illa,
utpote quæ rarius aliquanto & majo-
ri cum delectu proponitur, peculiari-
ter in præsentiarum erimus solliciti,
quan-

[b] Baco de Verulam: de *Augm: scient:*
lib. 2. c. 2. (c) Voss: de *method: Hist:*
& Rupert. in *Notis ad Besold: I. I.*
Itemq; Benz. *Hist: Eccl: Proleg: §. I.*



quantum quidem per temporis, quo fruimur, rerumque aliarum angustiam fieri posse existimamus. Quocirca quia mentem nostram subit illud: *opera naturæ ita esse admiranda, ut, nisi videremus ἀνδύατα καὶ ἀφανῆα credere-* mus, (d) nobis autem ad hunc Philosophiæ apicem aspirare magis quam pervenire sit concessum, de divino illo ac universalī *θεωρηματι* magno opere gauderemus, quod Poëta:

Felix qui poterit rerum cognoscere causas,
si præsertim hic proprio, quod dicitur, Marte sudando aliquid possemus attingere. Quia verò omnis Historia seu commemoratio, quæ Naturæ *Phænomena* & apparentias vel recenset vel explicat, à mundo aspectabili incipit, operæ pretium esse arbitramur novisse hanc ipsam omnium reliquarum specierum fuisse antiquissimam, utpote quæ *materiale historie humane Objectum*, ante omnia præ-

(d) *Aug: de civit: Dei, lib. 21.*



præsupponit & expendit. Hinc deinceps suo quæque ordine haberi & considerari solet Historia Naturalis divisa, respectu corporum inferiorum, in *Generationum*, *Prætergenerationum*, *Artium & Mechanicam seu Experimentalem*. (e) Pro quibus partibus singulis vel mirâ jucunditate delectat, vel experimentorum usu juvat, quæ voluptatis & fructus gratia ad condendam Philosophiam plurimum supeditat ac ministrat.

§. IV.

Cognitioni nostræ experimentali primo obvia sunt coelestium corporum *Phænomena*, ut jam nihil in genere dicamus de universi hujus Genesi & structura admiranda, cujus considerationem non modò fabulosa poëtarum antiquitas, verum etiam ipse Deus, testis omni veritate major, per Historiam creationis Sacram *Mosi* patefactam,

(e) *Baco de Verulam. de Augm. Scient. 2; 2.*

refactam, nobis exhibet. In cœlo itaque & campis æthereis, ubi rutilantibus undique facibus omnia picta & adornata sunt, & per motum continuum variis apparentiis & *Phænomenis* conspicua, varii, iique pro diversis conceptibus, diversissimi considerandi modi, multas admodum opiniones & hypotheses efformarunt de *cœli systemate, centro, profunditate & nexu systematis*. Observantur hic in fastigiis cœli corporum conjunctiones & divortia, variæ Planetarum phases, *pro ut est eorundem turbinum motus inæqualis & vorticosus*; itemque corporum aliorum motus magis compositus certumque iter carpens conspici-
tur. Unde non modo variæ historiæ, sed & aliæ atque aliæ temporum periodi & supputationes deduci con-
sueverunt. *Inest enim cunctis naturalibus rebus quidam velut orbis, unde temporum vices vertuntur.* (f) Sol,
oculus

(f) Horn: orb: Polit: part: 3. de serie
Hist: univers:

oculus ille mundi, qui radiis ubique intensus universam terram & mare multis modis collustrat, uti de illo Poëta:

*Sol qui cuncta vidit, quique omnia
caelitus audit,*

animantia omnia, quaecunque natura unquam produxit sui participes efficit.

Quemque ideo Ægyptii olim, mundum supra se contemplati, neq; sine stupore universi naturam, demirati, Deum esse existimarunt, & à certa nominis ratione Osirim i. e. multoculum apellarunt.

(g) Hinc numerandi usum ab ejusdem, Solis, circuitu mortales discunt, hinc per ejusdem circuitum & revolutionem noctis dieique varietas orta est. (h)

Unde quoque perfectum tempus & annum orbis metitur, cum Sol similiter procedens ad idem se caput retulerit. Statio autem ius perpendicularis super versicem ex umbrarum defectu colligitur, (i)

B

Et

(g) Diod. Sic. Bibl. Hist. I: II.

(hh) Plat. in Tim. (i) Diod. Sic. Bibl. Hist. 2: 36.



Et quoniam quo verticalior, eò lucidior & calidior est, σείριον κύνα i. e. *Splendentem & lucidum canem* ipsum gentiles non nunquam vocitarunt:

- - quo nullum clarius astrum. (k)

- - σείρις κυνὸς δίκη. (l)

co quod una cum stella caniculari maxime calidus oriatur. De ejus calore, figura, magnitudine diversisque apparentiis, abunde contestantur particularum agitatio, æqualis â centro recedendi nifus, radiorum varia refractio & inflexio, unde anguli vifivi dilatatio, nec non aliorum corporum crassiorum affectiones. unde:

*Tunc & Solis equos, tunc exultasse chorais
Astra ferunt. - - [m]*

Quantas autem virtutes Soli tribuerunt Ægyptii circa abundationem Nili, varii ostendunt: λέγεται γὰρ μάλλον τῶν ἑλλάνων ἀνθρώπων ἡλίῳ καίρειν τὰς Αἰγυπτίους, διὰ τὸ τὸν Νεῖλον αὐτοῖς πλημμύρειν ὑπὸ τῆς θερμότη-

(k) Manili. (l) Soph. (m) Claudian l. I. de Stiliconis laudibus.



ἡερμότης τέρτ τῷ θεῷ. (n) Cui illud quoque Plinii convenit: *Solem orientem occidentemq; dirâ imprecatione comitantur Æthiopes, ut exitialem ipsis agrisq;.* (o) Adeo ut etiam hi ipsi nefanda ac stupida efferati rabie *Solem diris imprecationibus lacefferint, ob immodicum æstum, quem sub ejusdem ortu & meatu patiebantur.* (p) Perinde ac inimicos suos discedentes prosequiebantur: ab eas nunquam rediturus.

§. V.

Soli similes admodum sunt *Stellæ fixæ*, propter eandem, quam habent, lucem propriam, quamq; præ se ferunt, vibrationem. (q) *Hæc corpora ignea Deus tanquam singularia cœli ornamenta circumquaq; disposuit & collocavit in cœlo, ut splendidissimum esset visuque pulcherri-*

(n) Orus Apollo. cit. à Salmas. in Exercit. Plin. (o) ibid. (p) Herodot. Melpomene 124. (q) Ant. le grand. Hist. nat. mundi & cœli Art. 7.



cherrimum hoc universum, eademq^{ue} cir-
cum omne cœlum distribuit, ut verus illi
abique ex hac varietate ornatus accede-
ret (r) Corporum autem horum per
 cœlum meantium varios ambitus, va-
 rias phases, generationes, conversio-
 nes, pro indefinita eorum multitudine
 & mirabili varietate, non vacat hic
 recensere, ne dum expendere, quia,
 uti iterum Philosophus: *Talia ignorant*
homines, præter admodum paucos, neque
nomine certo, aut appellatione illos ap-
pellant, neque numeris inter se distinctis
commetiuntur. (s) Verum hisce utcun-
 que positis, aliqua de horum corporum
 apparitionibus, præsertim ex recentio-
 ribus, adferri possunt, uti breviter &
 nervose hoc negotium exposuit. Ant.
 Le Grand. (t) Cæterum nec sua memo-
 ria carent admirandæ stellarum *mutati-*
ones & insolentia, propter vicinum cum
 cometis reliquisque astris situm, uti
 stella

(r) Plat. in Tim. (s) Id: (t) Hist:
 nat. mundi & celi. Art. 7.

Stella illa nota Hippachi, item illa in corpore Cygni visa 1600. Quibus accedit Varronis, viri in Antiquitate peritisimi, narratio, quæ apud Augustinum invenitur de Stella Veneris, illam scil. tempore Ogygis regis mutasse colorem, magnitudinem & figuram; cui simile contigit celebri spectaculo 1578. nam tum quoque per annum integrum novatio facta est memorabilis in Stella Veneris, qua conspiciebatur magnitudine & splendore insolitis, rubedine ipsum Martem superabat, & figuram sæpius mutabat, facta quandoque triangularis, etiam rotunda, ut in ipsa massa & substantia prorsus pari videretur: (u) Quin etiam stella illa ex veteribus, quæ in coxa caniculæ sita est, quam ipse se vidisse dicit Aristoteles comæ nonnihil habentem, eamque comam præsertim obiter intuenti vibrantem, mutata jam videtur & comam deposuisse, cum nihil ejusmodi jam nostra

(u) Baco de Verul: Descript: Globi intellect: c. 7.

nostra etate deprehendatur. (x) Plura hanc in rem adducere non vacat, poterit quicumque cupit eadem ex scriptoribus insignioribus, præter memoratos: Arati Phenomenis, Tychone Brahe de mundi ætherei recentioribus Phenomenis, itemque Jo: Eusebii Nierembergii Historia Naturæ maxime peregrina, ex abundantia haurire. Illud tamen libet meminisse, quod veteres singulis animis sua astra tribuerint: Pro multitudine astrorum veteres crediderunt Deum, mundo constituto, astris parem numerum distribuisse animarum, singulis singulas adhibuisse, eisque tanquam vehiculo impositis monstrasse universi naturam ac leges fatales edixisse. (y)

§. VI.

Ut autem cælum interstellare, varios altitudinis gradus aliasque sphaerarum & corporum coelestium prominencias ex proposito heic mittamus, ad corpora

(x) Id: (y) Plat: in Tim:

corpora coelestia opaca progredimur.
 Sunt autem hæc, uti notiora, *Planetae*,
 qui pro diversa, quâ gaudent, *mole*,
periodo & à Sole distantia, lumen sola-
 re diversimode reflectunt aut refrin-
 gunt, oculosque terricolarum affici-
 unt. Horum uti terræ proxima, ita
 & maxime nota est *Luna*, utpote quæ
 post *Solem* plurimum potest, radios
 versus omnes partes in terram remit-
 tendo; quæque, pro ut hanc vel illam
 atmosphæræ partem premit eique in-
 cumbit, varias affectiones variosque
 motus in *terra*, *aëre & aqua* efficit. Ex
 hujus revolutione, puta *quando Luna*
lustrato circulo suo Solem consequuta est,
mensis provenit, quæ vices uti frequen-
 tiores, ita quoque distinctius & exactius
 tempus computant. Quantæ verò tem-
 pestates, qualesque venti ab eadem ori-
 untur, & doctorum observationibus
 & monumentis abundè constat, quod
 præcipuè in *Pleniluniis*, aërem & aquam
premit, in *Noviluniis* vero eundem
significat

significat & præfagit, scil. quod tunc celerius multò movea ur. Quod quoque J. Cafari observatum esse legimus: Eadem nocte accidit, ut esset luna plena, quæ dies maritimos astus maximos in Oceano efficere consuevit (z) Non hic moramur varias Astrologorum observationes & conjecturas, quas à variis Lunæ aliorumque planetarum χήραν præsumere adsolent, unde Interpretes vel dii consiliarii dicti sunt; quum talia in illorum scriptis ferè luxuriant Præcipua verò, quantum mihi cernere datum est, annotavit & retulit dictus Philosophus, (aa) item Diod: (bb) Nonnulla etenim ab eorundem ortu & occasu, quædam à coloribus, alia item à figura Uranoscopi præsumserunt, quod sit plena, cava, in orbem sinuata, nova, cornuta, μνησθῆς, item rubicunda, nigra vel flava quæ significat & porten-

(z) *Cas: de bell gall: 4: 6. (aa) Baco de Verul: Hist: ventorum Art: 32.*

(bb) *Diod. Sic. Bibl. Hist: 2: 30. 31.*



portendit, quales itidem tempestates. Halones & circuli circum eandem præmonstrant, uti de Chaldæis. [cc] Meminisse tamen delectat illius: *Novâ Lunâ exultant, corniculata tristes sunt Simiæ, & defectum siderum pavent quadrupedes. Vera etenim conjectatio existit haud frustra sidus Spirituum seu Spirituosum Lunam existimari, hoc est quod feras saturat, accendensque corpora impleat, abscedens inanitat.* (dd) Ventus verò à Luna in herbas protrusus spuma creditus est, ex hinc ἀφροσελήνη dicta: *Quod Luna novos despumat in herbas* (ee) Estque hic alter Ægyptiorum Deus, cuius fit mentio in loco antea commemorato, quemque Isidem, hoc est antiquam, ab aeterna & antiqua generatione, vocant, cui quoque cornua addunt, quia talis Lunæ aspectus est, quando falcis imagine crescit & decrescit, & quia bovem apud Ægyptios consecratam

C

habes.

(cc) Id: (dd) Plin: Hist: Nat: 2: 99.

(ee) Lucan.

habet. [ff] De *tumulis* vero *terrestribus*, quos *Luna* à *terra* parum distans in facie repræsentat, vid. (28) Hanc una cum *Sole*, instar duorum Deorum, *mundum universum* gubernare statuunt, *nutrientium omnia* & *augentium*, *tripartitis anni temporibus*, *aspectabili motu circuitum absolventibus*, nempe *vere, æstate, autumno*. Quæ licet naturam inter se maxime contrariam habent; annum tamen optimo consensu efficiunt, *hieme simul apud nos sumto*. Horum deorum naturam ad generationem omnium plurimum conferre contendunt, quorum alter *ignis* & *Spiritus*, altera *humidi* & *Sicci*, uterque *aëris* fit ex æquo præses, & per hos omnia gignit & alit. Ideoque etiam totum natura universa corpus *Sole* consummari *egyptii* autumant, cujus partes jam indicatae: *Spiritus*, *ignis*, *siccitas*, *humor* & *aëreat tandem natura*, e quibus.

(ff) Diod: Sic: Bibl: Hist: I: II.

(28) Id: 2: 47.



ut in homine caput, manus, pedes & alias partes numeramus, eodem modo corpus mundi consistat. (*) In morbis quoque multam eamque insignem vim Lunæ tribuunt eruditi, quod illa cerebrum humectat, carnes putrefacit, eorumque, qui sub dio victitant, corpora humidiora & obtusiora reddit; eademque de causa capitis gravedinem & morbum caducum adfert, præcipue noctibus plenilunaribus, ubi corpora humore replentur, & ideo per consequens mala quædam dantur, quæ per corporis evacuationem, deficiente Luna, augmentum accipiunt. Ita in isto defectu strumas augeri vidimus, quod malum singulariter colli partes affligit, unde & illo laborantes *Scrophuli* dicuntur. (hb)

- - aut *Sirius ardor*

*Ille sitim morbosq; ferens mortalibus agris
Nascitur, & laevo contristat lumine cælum.* (ii)

S VII.

(*) *Diod. Sic. Bibl. Hist. 1:11. (hb) Ferrand: Imperat: Hist: Nat: c. 7. (ii) Virg: 10. Æn.*

§. VII.

Quod de meteoris variis: *fulgure, tonitru, pluvia* aliisque in aëre *phænomenis* heic adferri possent, cum venia bonorum, & ex pacto, lubentes mittimus, veremur enim ne dies viriumque nostrarum facultas iisdem exhibendis deficiat; qvum hæc talia, non minus quam cætera naturæ opera, ob mirandam suam copiam & ubertatem negotii satis menti nostræ possent facescere. Nobilis autem & tantum non miranda est contemplatio arcus illius cœlestis, quem *Iridem* vocamus, propter varios & pulcherrimos suos colores, qui é multiplici particularum cœlestium reflexione & refractione ex nubibus, particulis aqueis, imo & ipsa interdum *Luna* tales comparent. Hinc *tricolor* plurimum eadem apparet: *Flava* quidem ex coloribus juxta se spectatis puniceo ac viridi, cæteri vero colores ex varia horum mixtura oriuntur.

Albus

Alba quoque conspicitur, qui color uti maxime sincerus est & purus, ita, nisi nubes admodum fuerint nigræ, vix produci eundem comperimus. Ut autem hæc omnia rite conspiciantur, necesse est inter Solem & locum *Iridis* spectator ipse sit constitutus, Sole non multum super horizontem elevato, nisi quantum aspectus habet eminentiæ à terræ plano ad *Iridis* locum, & multiplicatur vel immutatur arcus hujus visio, pro ut mutatur spectatoris locus. Circuli vero figuram uti vix accipit, ita semicirculum raro excedit, uti inter alios eleganter commonstrat *Le Grand*. (kk) Pari quoque ratione *parhelios*, *halones* cæterasque in nube *virgas* nasci ab experientia & Doctorum observationibus est manifestum. Ad *Terram* itaque, *communem rerum matrem & generationis omnis receptaculum & nutricem* spectandam devehimur, quam altricem nostram loco certo per
univer-

(kk) *Hist. Nat. Meteor. Art. 9.*



universum alligatam diei noctisque vi-
ces custodire voluit Deus; quæ etiam
Planetarum infima & hominibus fa-
miliarissima, reliquorum corporum
cœlestium motus & affectiones quam
proximè & admodum exactè obser-
vat & metitur. Certe, si uspiam, hic
utique naturæ opera commemoratione
dignissima invenies: Scilicet tot speci-
osi fragrantisque flosculi, tot herbæ
partim esui salubres, partim corpori-
bus medendis accommodatæ, tot pro-
ceræ arbores, tot celsa montium ca-
cumina, tot in planitiem decoram
porrecti campi, fructuum graminum-
que ac florum genere luxuriantes, ho-
minibusque ac cæteris animantibus ali-
menta & voluptatem maximam exhi-
bentes ac subministrantes. E stirpibus
alii humi repunt, nec alte se â terra
tollunt, quidam in altitudinem assur-
gunt, alii perpetua fronde virent, alii
hieme spoliati nitore, verno tempore
tepefacti repullulant, frondescunt ac
rursus

rursus in stirpem emergunt. Ortus denique occasusque siderum, tum calidæ æstatis gelidæque hiemis vicissitudines, hirundines & cæteræ aves, quæ, recurrente veris amœnitate, spiritu vitali iterum imbuuntur: herbæ, quæ decursu solis exolescunt ac deficiunt, sparsum conditumque terræ gremio semen, & alia bene multa in terræ viscèribus delitescunt. Adeo ut singula persequi, & pro rerum natura scita dicendi facultate exhibere, nec solertissimus quispiam, aut alius vel ingeniosissimus inque dicendi arte versatissimus imitando saltem poterit. *Figuram* quod attinet, adeò scité & pro vicissitudinibus hujus universi accommodatè eandem Deus & Natura concinnavit glomeravitque, eamque in aëris medio suspendit, ut situm eundem semper teneat, ac reliquorum corporum virtutes uniformiter exprimat: *Figuram ipsi dedit Deus pulchram & convenientem.* [ll]

Differen-

(ll) *Plat. in Tim:*

Differentias Terræ notiores diversimode
 Eruditi considerant, vel enim *respectu*
colorum easdem probare conantur, ut
 (mm) ubi ex *herbis de ejusdem macredine*
vel pingvedine, itemque de habitu
 agriculturæ convenienti judicatur; li-
 cet indicia hæc ad dignoscendum so-
 lum minus sufficientia esse alibi de-
 monstretur. Terræ enim multæ tam
 propter superficiale humiditatem ni-
 græ, quam propter falsedinem albican-
 tes à colore commendari non possunt,
 ideoque nec à solis coloribus ad judi-
 cium terræ est progrediendum, mul-
 toque potius colorum differentia, non
 quod per se aliquid operentur, sed tan-
 quam indicia qualitates alias concomi-
 tantia, erit spectanda. (nn) *Præter hæc*
spectari solet in specie Terra pingvis,
quatenus soluta est & viscida, adeoque
 vel, præter fertilitatem, cultu quo-
 que facilis, vel in fructibus accipien-
 dis

(mm) *Plin: Hist: Nat: 17: 5. (nn) Fer-*
rand: Imperat: Hist: Nat: de Terra c. 5.



dis atque reddendis tenax & laboriosa; quamquam & hæc ubertate sua, haud secus ac prior illa, soleat commendari. Id quod agricolæ, usu diuturno edocti, contestantur, quod *hæc terra aquâ diluta rostro & vomeri adhæret, & utrumque magnis onerat glebis, picis instar, extensa*; si siccior fuerit, indurescit & petrae similis, adeoque intractabilis evadit. Sicuti igitur optimi Soli qualitates sunt *pinguedo, solubilitas & dulcedo*; ita vicissim *ariditas, densitas & amaror*, sive alius insveti Saporis qualitas pessimæ sunt terrarum notæ. Unde quoque fluit, quod diversa semina diversæque plantæ diversis terris conveniant. Quapropter harum rerum periti in nonnullis locis ador quam siliginem, ac vicissim in aliis *hordeum* potius quam *Zeam*; in quibusdam iterum unum vel alterum indifferenter solent seminare. (oo)

D

S. VIII.

(oo) 1d:

§. VIII.

Terra denique ab aëre indissolubiler cum aqua coacta, lapides diversarum specierum & figurarum concreat; pulchriores quidem illos, qui perspicui ex æqualibus planisque partibus emicant, deformiores verò qui contra. Ubi vero ignis acumine humor omnis resolvitur, corpusque illo aridius redditur, ea fit species, quam *laterem* seu *testam* vocamus. Quandoque etiam, cæteris positis, humore relicto, terraque fusili per ignem factâ, ac deinde accedente gelu, niger fit lapis; quando vero id ipsum similiter ex commixtione multo privatur humore, sed tenuioribus terræ partibus constat, falsumque est & semiglaciale fit, perque aquam emergit, partim quidem olei terræque purgatorium genus, nitrum dicitur, partim vero quotidiano victui commodissimum. (pp) At enim communia

(pp) *Plat. in Tim.*



munia ex utrisque, aqua quidem non solubilia, igne vero propter tale aliquid ita conglutinantur. Ipsas terræ moles ignis & aër vix liquefacit: cum enim duo hæc tenuissima sunt & vacuitatibus terræ minutiora; ita per capacissimo ejus meatus sine ulla fere resistantia permeant, ut neque eam dissolvant, neq; liquefaciant. Aquæ vero partes, quia majores sunt, violento fluxu liquefaciunt. *Terram* itaq; *male compactam* sic sola aqua vi solvit, *compactam* vero duntaxat *ignis*: nihil enim præter ignem, hanc penetrat. Atq; rursus concretionem, violentissimam quidem solus ignis, debiliorem vero utraque & ignis & aër diffundit. Hinc existunt tot lapidum genera: *marmor*, *rudera*, *arena*, *sabulum*, idque minus vel masculum; *argilla*, *rubrica*, *pulvis*, *creta*, *glarea*, *carbo*, quibus singulis suæ sunt venæ, sua materia, suæque qualitates, unde formantur & concrescunt. Inde quoque tot gemmarum & lapidum pretiosorum tam
variarum

variæ species, quos in delictum & ornamentum generis humani terra foetescens protrudit, quorum quoque singuli historiis & narrationibus suis abunde sufficiunt, sed ad alia.

§. IX.

Omne frumentum spatioso gaudet campo, & quidem hujusmodi, qui Soli expositus apricus sit & liber, uti colles, ubi fruges etiam solidiores quam in planicie nonnunquam crescunt. Verum pro natura cujuslibet soli alia atque alia frumenta magis vel minus feliciter nascuntur. Sic Solum spissum, & humoribus repletum siliginem & far optime producit; sic hordeum, præcipue hexasticum terræ solutæ & siccæ inspergatur, siquidem indubitatum est quod semen ejus terram reddit macilentam. Altera vero hordii species, quæ distichum dicitur, pondere & albedine præcellens, in solo pingvissimo locisque frigidis mense Aprili, vel si situs amœnitas ferat, prius seminetur. Milium & pa-



& *panicum* terram exposcunt *solutam* & *levem*, interdum etiam solo arenoso proveniunt, modo fruantur cœlo humido, vel etiam eodem irriguo. *Lupinus* probè accommodatum est *solum lentum*, & præ aliis terra rubrica, *creta* vero & limosum fundum *aversantur*. *Phaseoli* novalibus terræque pingvi & stabili, quæ quotannis colitur, inseratur, *Pisa* terram facilem solutamque, locum tepidum atque aërem pluvium requirunt, *post æquinoctium* seminantur. *Fabis* locus debetur præpingvis, sive stercoreatus sit, sive novalis; sed in novali requiritur, ut in valle situs sit, atque ex parte superiore succum accipiat, utpote quæ solum macilentum ac pruinofum maxime respuit, mature autem seminatas potius quam serotinas volunt nonnulli ex rusticis. *Lentes* solum *subtile* & *solutum*, sive etiam *pingve* & *siccum* desiderant, siquidem dum florent, facile propter humoris abundantiam marcescunt. *Li-*



num locis, quibus inseritur, est perniciosissimum, quare seminari non debet, nisi ubi maximi proventus spes apparet, aut pretium ad seminandum illud iuvit; requirit autem *terram humidiusculam*; nonnulli, ut eo subtilius evadat, terræ macilentæ & exili semen indunt. *Sesamum* terram ut plurimum *putrem*, quam Campani *pullam* vocitant, requirit; nihilo tamen secius provenit in *arena pingvedine mixta & solo iactatio*. *Cicerbita*, quæ *Piso* haud absimilis est, seritur in *terra lata, humido subjacente aëri*, nec reperitur leguminis genus, quod minus *cicerbita* terræ damnosum sit. *Ciceres* tam *arietini*, quam *punicei locum & aërem* exposcunt *humidum*; terram, cui inseruntur, damno afficiunt. *Cannabis solum probe stercoratum & aqueum*, sive etiam planum, humidum & profunde exaratum efflagitat. *Rapum & Napus terram bene scissam solutamque* exposcunt, in densa non prove-
niunt:

niunt: in hoc autem differunt, quod *rapa* campis locisque humidis, *napi* autem solidâ atque sicca, quæque ad subtilem proxime accedit, terrâ gaudent, & propterea in partibus glareosis & arenosis uberius nascuntur. Ubi observandum, quantum proprietas loci, quo ad plantarum transmutationem, adfert momenti, siquidem aliquibus in locis *rapum seminatum biennii spatio in napum degenerat*, in quibusdam *napus vicissim in rapum*. Utraque planta solum probe subactum requirit, iterata subinde aratione vel fossione, abundantemque stercorationem. Ervum in locis macris nec multum humidis gignitur, quoniam luxuriando perit. *Cytisus* quibuscunque in locis, etiamsi summe macris, crescit, multa omnisque generis injurias sustinet.

§. X.

Veremur jam ne, singulas *Terre* affectiones

affectiones & qualitates commemorando, vel tædium aliis procreemus, vel ex pacto & instituti ratione proposito nostro minus fiat satis. Quia itaque ne sic quidem eruditorum veniam aucupari nos posse confidimus, de industria heic missum facimus quicquid de differentiis specierum *vitis*, *modoque cultura*, quæ in quavis regione requiritur, in præsens dici posset, quænam item *vitium electio* juxta solum, vel aeris qualitatem, quinam *situs vineis convenientissimus* & id genus alia. Ad hæc de convenientia soli cum plantis aliis ferendis; de emendatione terræ ad *usum agricultura per fossas*; de *correctione macredinis* cum alia terra aliavè materia; de *impinguatione per calcem*, cinerem & pulverem; nec non de vario & multiplici terræ usu, quem in *architectura* vel *arte fusoria* cernimus, & sexcenta ejusmodi, quæ si res ita ferret, & à nostro proposito non esset alienum, adduci possent.



sent. *Figuram* Terræ varie varii obser-
varunt: *Chaldaei* peculiarem de eadem
foverunt opinionem, dum *Scaphæ simi-*
lem cavanque esse affirmarunt, quod
multis argumentis probabilibus demon-
strare sunt conati. (qq) Verum his &
similibus omnibus præmissis *figuram*
sphericam vel ovalem illi tribuere non
dubitamus, quod, præter alias ratio-
nes, ipsorum temporum vicissitudines
evincunt & commonstrant; sed hæc for-
tassis nobis minus necessaria.

§. XI.

Consequens est ut differamus de
Aqua, *naturali terræ comite & custo-*
de, cujus *vastitas universam tellurem*
ambitu suo cingit. (rr) Quæ quoque
multis in locis per freta vel alia spa-
tia satis angusta conjungitur, & præ-
terea per varios littorum anfractus,
sinus & curvaturas, nec non innume-

E

ras

(qq) Diod. Sic. Bibl. Hist. 2: 31.

(rr) Varen. l. 1: c. 12. Flor. 1: 13.

ras illas cryptas & ductus subterraneos
 terris ubique se immiscet ac quasi in
 se ipsam redit. Hujus necessitas cum
 globo terræ tanta est, quanta est san-
 guinis in corpore humano; ita ut ex
 una absque altera corpus integrum con-
 formari nequeat, siquidem humor li-
 quefacit, substantia terrea firmitatem
 præbet: proinde *humiditatem & fluidi-
 tatem aquæ; ariditatem vero & consisten-
 tiam terræ* tribuunt eruditi. Sunt autem
 aquarum aliæ *simplices* ita dictæ, aliæ
compositæ: *simplices* sunt liquide trans-
 parentes, omnis ferè saporis odorisque
 expertes, quæque nec per destillatio-
 nem, nec alio quocunque modo, in
 partes diversæ substantiæ dispesci pos-
 sunt. *Compositæ* autem quæ vel sensibi-
 liter sapore, odore & alia qualitate
 extranea sunt temperatæ, vel per *sedimentum, percolationem & destillationem*
 alias relinquunt substantias. Quæ ve-
 ro aquæ simplices non sunt, illæ vel
 ab exhalatione, vel igne, vel aliqua
 succu-



fucculentia, sive liquida, sive densa; vel à terra, lapide, metallo vel horum mixtura inficiuntur. In *Germania* inter *Strapelam* & *Seburgum* castrum, à *Sala fluvio* milliaribus circiter II distans, lacus est, qui, ut à piscatoribus traditur, singulis septenis annis exhalationibus venenosis infici solet, unde etiamnum pisces ibi moriuntur. [ss] Quibus non prorsus dissimilia sunt quæ de lacu *Asphaltite* in *Judæa* memorant rerum notabilium scriptores, quod lacus sit *natura dirus ac pestilens*, neque pisces, neq; sœvitas aquis volucres patitur; sapore corruptior & gravitate odoris pestifer. Nullum corpus animalium recipit: tauri camelique fluitant, periti imperitiq; nandi perinde attolluntur. (tt) A corporibus quibus cum miscentur, varios colores recipiunt aquæ, eosque vel ex ripis quas inundant & abluunt, vel ex fundi

(ss) *Ferrand. Imperat. Hist. Nat. de aqua.*
c. I. (tt) *Cluv. in Introd. Geogr.*
lib. 5, c. 20.

fundi subiecti habitu varie demum repræsentant. Hinc aquæ coloris *lactei*, *candidi*, *subalbidi*, *lutei*, *flavi*, *rubicundi*, *sanguinei*, *nigricantis*, *cineritii*, *viridis*, *glaucci*, *cærulei*, *nigri* in variis terrarum locis, variis quoque & stasis temporibus apparent. Ita *fons lacteus* ad *Glaucam* in districtu *Tiburtino* & *Nomentano*, fluvius *Nar* in *Umbria* & in *Diœcesi Hildesensi*, *fons Sulphureus* ad *Hasdam* vicum. Quin imo ipse *Danubius* coloris cernitur *lactei* iis in partibus, ubi *Vindeliciam* & *Noricum* à *Germania* dividit. Ita etiam notabiles sunt alii fluvii: *Ocer* *Saxonia*, prope *Goslariam*; itemque rivus quem à *Ramelomonte* defluentem alveo suo excipit *Ocer*, aquæ *Mæni* in *Germaniâ*, præcipue ubi peragratâ *Franconia* in *Rhenum* exoneratur, atque in *Italia* *Tiberis*. *Acidula* prope *Gæppingam* *Sueviæ* oppidum, *fons Joppe* *Ebraorum* civitatis, mari vicinus, atque in *Lycia* prope *Pataram* oppidum, aquæ *Telephi* fontis,



tis, *Ruffa* apud *Aethiopes* aqua, quæ
haustæ amentiam adferunt. *Rubicon* Ita-
lia fluvius, *Redera* *Misnia* fluvius mu-
ros *Raderbergicos* præterlabens, aqua
Neusola in monte *Carpatho*, & illa quæ
in colle ex ærifodina in *Cypro* defluit.
In *Brutiorum* terra, hodie *Abruzzo*,
fluvius est *viridis*, cujus quoque gene-
ris est *Mosella*, aquæ *Rhenana* & *Ther-*
mopylarum, quæ in balneo quodam,
ab incolis *chytra muliebres* dicto, exci-
piuntur; amnis inter *Tarvisium* ac *Fel-*
trium, quem propterea *Germani* accolæ
suâ lingvâ *Blavam* dicunt, remanente
apud *Italos*, imitatione *Germanorum*,
etiamnum antiquo nomine. Ejusmodi
est fluvius *Svevia* *Blavins* in valle pro-
pe *Blaubyram* oppidum, cui inde no-
men inditum. *Isara* *Norici* fluvius, la-
cus itidem *Armenia* *Mantianus*, aquæ
Averni. *Ilzana* quæ â *Bohemia* monti-
bus delapsæ ad *Beodurum* *Danubio* com-
miscentur. Fluvius ille qui in *Misnia*
Mulda illabitur, atque *Elister*, qui *Li-*
berdam



berdam Hertzburgumq; præterlapsus *Al-*
bim ingreditur; *Alleca Saxonia* infe-
 rioris fluvius, qui in *Visurgim* exone-
 ratur, *Sprea* fluvius *Berolinum* & *Colo-*
niam ab eo dictam præterfluens. Ne-
 que in *Italia* hujusmodi variorum co-
 lorum fluvii desunt: etenim *Auseris*,
Lucam celebrem *Tusciae* urbem præter-
 labens, *nigricat*, *Galesus* quoque *Cala-*
briae niger est, unde proverbium: *Ga-*
lesus niger flavos humectat campos, aliæ
 sunt aquæ *aris Cyprii*, vel *argenti* non-
 nihil immutati colorem imitantes. (uu)

§. XII.

Possent nunc multa dici de *mutati-*
one colorum in aquis, & qua ratione
 acquiruntur & amittuntur; itemque
 de *supertransparentia* & de *coloramentis*
 aquarum; sed veremur, uti in priori-
 bus, ne singula commemorando mo-
 dum operis excedamus, ergo quam
 brevissi-

(uu) *Veigel. specul. Terra. itemq; Ferrand.*
Imperat. Hist. Nat. de aqua. c. 4.



brevissime poterit fieri ad *varietatem*
saporis in aquis meditationes nostras
 dirigemus. Constat autem nonnullas
 aquas alternis temporibus frigere atque
 calere, uti de *fonte Solis* in provincia
Cyrenaica fertur, qui *media nocte* fer-
 vet, mox *sensim tepescit*, deinde ad *pri-*
mam lucem friget, & quo *Sol* magis
attollitur, eo fit *frigidior*, adeo ut *me-*
ridie rigeat, rursus paulatim *tepescit*, de-
 inde ad *primam noctem* calet, & quo
 magis ille progreditur, eo fit *calidior*, (xx)

Esse apud *Ammonis fanum* fons, luce di-
 urnâ,

Frigidus, at *calidus nocturno tempore*
fertur. (yy)

Quædam flumina ita *inebriant*, ut instar
 vini temulentos titubantesque reddant,
 quod de fluvio *Letho* memoratur:

Quem quicumqꝫ parum moderato gutture
traxit,

Haud aliter titubat, quam si mera vina
bibisset.

De

(xx) *Herodot. Melpom. 124. Curt. 4: 7.*

(yy) *Lucret.*

De *salsedine* vero *maris* nulli omnino fontes, excepto *Sorga* in *Venascino Comitatu Gallie*, participant, ut quidem accepimus. (zz) Verum affirmatione illa cum sequendo non ausi sumus acquiescere, præsertim cum ex aliis multis, in quibus potissimum nominamus *Ferrand. Imperat.* (a) abundè ostenditur alia flumina non sane pauca de hac eadem natura aliquid trahere. Tales sunt fluvius *Sala*, *Cocherus*, *Oenus*, itemque fontes non pauci in *Saxonia*. *Luneburgenses* autem omnium celeberrimi aquas habent *salsi saporis*. Præter hos fons *Pegasis*, multique in *Hispania* fontes *salsas* habent aquas, cujus rei auctores & testes habemus *Strabonem* & *Vitruvium*, id quod & jam de lacu *Asphaltite* communiter narratur. Saporibus præterea *amaris* & *nitrosis* multi fontes & fluvii sunt infecti, ut in *Ponto* rivulus *Exampeus*, qui tantæ perhibetur amaritudi-

(zz) *Ant. le grand. Hist. nat. de aqua.*
Art. 4. (a) Hist. Nat. de aqua c. 7.



ritudinis, ut ipsius infectione *Hypanis*
ingens flumen amarescat. In *Cilicia* è
spelunca prope *Corycium* fluvius exo-
ritur amarus, cujus aquæ puræ sunt
& limpidæ, quique per meatus sub-
terraneos mari commiscetur. Inter aquas
vero dulces præcipue celebrantur flu-
mina *Euleus* & *Coaspes* in finibus *Medo-*
rum; de quibus fama est *Persarum re-*
ges bibisse, secumque in loginquas re-
giones in luxum portasse, ex quarum
una homo quidam vulgaris perhibe-
tur à *Plutarcho* aquam haustam amba-
bus manibus *Artaxerxi Longimano* in
itinere ad agmina sua obtulisse. Quo
munere adeo lætus fertur Rex, ut
phialâ aurea & 1000 *Daricis* hominem
donarit. Talis quoque dicitur *Smenus*
Laconia fluvius esse, quia fontibus
Taigeti exoriens in mare ad promon-
torium *Diana Dictynna* exoneratur.
Idem tradit *Pausanias* de aqua in *Creta*
ad pagum *Dascylum*, item de aquis *Pa-*
phlagonia, nec non de fonte quodam



Andri & Naxi, ad quos incolæ concertando potatum ire solent. Hæc & plura alia quæ de fontium aquarumq; aliarum natura & amœnitate dicuntur, incredibile dictu quantum deliciarum ingeniis alacrioribus & jocosis attulerunt, quantumque locum poëtarum fabulis fecerunt, dum ad ripas eorum consedentes vel strepitu aquarum, vel earundem levi susurro & tractu, vel denique liquore & colore sunt affecti, adeo ut ipsos Deos aquarum amore re-tentos ibidem secum considerare nonnunquam crediderint, uti de amnibus *Marsya & Cydno* memoratur. (b)

§. XIII.

Possunt *aquarum sapes* variis modis, vel Naturæ operâ, vel etiam hominum industriâ mutari, id quod etiam plurimis exemplis ab Historicis petitis probari potest, sed ea recensere hic utique non vacat. Exigeret jam ipse rerum ordo, ut ad aquarum varios

odores

[b] *Curt.* 3: 1. 5.



*odores digrederemur, sed oportet ut per brevitatem nobis imperatam, & hæc talia aliis curiosis rerum exploratoribus relinquamus, præsertim quum nec hujus minus quam cæterarum qualitatum exempla scriptoribus adsint. Paucis tantum quæ de aquæ gravitate & densitate rerum naturalium periti commemorant, adferre libet; ubi notandum, quod aqua simplex & dulcis naturâ est subtilis, & ejusdem cum puro vino gravitatis & ponderis; mixta autem uti magis spissa, ita longe gravior deprehenditur. Hinc aquas dulces marinis supernatare, semperque superiorem occupare locum cernimus. Hinc quoque fit, quod flumina lacus transcendant, ut in *Verbano Ticinus*, in *Lemano Rhodanus* & in *Lario Addua*; vel fluvius fluvium, ut *Arsanias Tigrim*. Sed & aquæ pingves vel bituminosæ aquis dulcibus innatant, unde *Peneus Thessalia* fluvius, referente *Plinio*, *Eurotâ* fluvio recepto, non tamen ideo cum*

*complectitur, sed innatantem instar olei
 secum asportat, brevique iterum excutit.*
 Sunt etiam alii fluvii, qui per longa
 locorum intervalla supervecti, tandem
 commiscentur, uti *Ilza*, quæ duobus
 circiter milliaribus *Danubio* non pror-
 sus permixtus incedit. Aquæ aliis re-
 bus permixtæ onera simplicibus meli-
 us sustinent, quod ex navibus grandi-
 oribus & onustis aliisque ponderibus
 videre est, quæ aquæ falsæ, nitrosæ
 vel aluminosæ immittuntur. Harum
 autem illæ quæ vaporibus & pingvi-
 bus infectæ sunt succulentiis, minoris
 sunt ponderis, quod quoque judici-
 um est de iis rebus quæ aquis feren-
 dæ committuntur; proinde prudenter
 admodum illam naturæ rationem na-
 vium architecti expendunt & imitan-
 tur, dum navigia singula scaphasq; pi-
 ce aliisque rebus pingvioribus collini-
 unt & fricant. Ex hisce jam allatis
 sequitur non esse omnes aquas dulces
 æqualis omnino ponderis & virtutis,
 præci-



præcipue in sanando. *Quo enim aqua levior est, eo quoque salubrior habetur; proinde fama est reges Persarum potius Eulei quam Euphratis vel Tigris aquas bibere, quia aqua ibi quam hic levior. Accidit etiam, ut pro diversitate temporum anni unius fluminis aqua levior sit & gravior, uti perhibetur aquas prope cavernas Tangei Thracie montis decurrentes æstivo tempore sexagenas 4, hyberno 96 pendere Drachmas; ideoque etiam observatum esse reperimus, clepsydras hieme majori temporis spatio decurrere quam æstate. Sic aquæ sub terris plerumque percipiuntur frigidaæ tempore æstivo; hyberno autem tempore calidaæ, qua de re prolixè satis agit Diod. (c)*

§. XIV.

Quæ de aquarum commixtione & ponderum sustentatione hic ulterius dici possent, bonorum venia in medio relinquimus,

(c) *Sic. Bibl. Hist. I. 41.*

quimus, quandoquidem neque huc spectant, neque nobis datum est singula, quæ volumus, attingere, nec fortassis conveniet ut de variis aquarum virtutibus, juxta varias earundem differentias, differamus. Quo etiam spectant varii aquarum *usus in sanitate & pulchritudine tuenda*, ut & *in medicinalibus*, considerandi, quæ eodem quo priora modo aliis tanquam sua relinquimus tractanda. Ad *Aërem* itaque ejusque *phenomena* transimus, quem τὸ ἐναγέσταν appellat Plato, (d) cujus appellationis rationem haud dubie reddit Diod. (e) quod *summum universi mundi locum occupat*, & ideo, uti putat, corruptioni non sit obnoxius. Quæ de re quoque *Ægyptii*, uti memorat idem, *Minervæ nomen ipsi attribuerunt*, putantes virginem eum esse *Jovisque filiam è vertice illius enatam*, vocari autem *Tritogeniam*, quod ter in anno naturam mutet: *vere, æstate & hieme*.
Quam-

(d) in Tim. (e) Sic. Bibl. Hist: 1: 12.

Quamquam & nomen *Glaucopin aëri* ab
 iisdem impositum esse idem conten-
 dat, quod *glauco sit aspectu*; adeoque
 eundem esse unum ex quinque illis
diis, qui mundum peragrant, & vari-
 orum animalium formis indutos mor-
 talium se oculis exhibent. Estque *aëris*
 Elementum, in quo proprie generis hu-
 mani cateroramq; animalium sangvineo-
 rum vita consistit, cujus essentia mobilis
 est & subtilis, & talis quæ corporibus
 aliis duriusculis transitum non ægre
 permittit, sed quæ nihilominus cor-
 pora etiam solidiora versus terram,
 Elementum eorum, firmiter admodum
 & mira vi pellit & constringit. Hinc
 est quod per *aërem* plerique sensus no-
 stri virtutes suas exserunt: per illum
 enim *videmus, audimus & odoramur*.
 Mirandæ admodum sunt *aëris densati*
 operationes, utpote quæ naturam &
 opera corporis solidi edunt & imitan-
 tur, quod ex rebus sonoris & Musi-
 cis, itemque bombardarum explosio-
 nibus

nibus videre est & colligere. Ad quarum rerum imitationem pueri etiam alnum excavant, & partes radicis cuiusdam, aut papyri globulati ad utrumque Siphonis terminum infarciunt, deinde cum embolo ligneo globulum protrudendo emittunt, globulus autem ulterior cum sono & impetu emittitur, antequam ab embolo ullo modo tangatur, à vi *aëris inclusi & compressi*. Proinde eadem ratione aves per *aërem* vehuntur, naves ventis aguntur, arbores domique evertuntur, prosternuntur & similia. Quod ad *calorem & frigus aëris* attinet, easdem qualitates manifesto recipit ab agitatione & pressione corporum cœlestium, à quibus atteritur, concluditur & calefit; *frigidum* autem recipit ab expiratione Terræ, vel etiam à vaporibus frigidis, & nivibus in media aëris regione condensatis. Aqua *aëri* contigua eundem refrigerat & humectat, unde quoque varie variis in locis afficimur,



mur. Optimum autem aërem, experientiâ edocti, judicamus spirare in locis æquis & planis, atque ex omni parte perflatilibus, si fuerit terra sicca, neque tamen prorsus arenosa, ubi præsertim herbæ fragranes aliquid jucundi spirant, neque à fluminibus & lacubus corrumpuntur. *Aër* matutinus, præsertim *Zephyrus*, vitalis & felicior censetur, sicuti *Boreas postmeridianus*, nisi aliis rebus putrefactis & angustis vituperetur; hinc momentum non exiguum est ex terra magis minusve corrupta qualitatem *aëris* indagare. Plures *aëris* differentias & qualitates, quas ex temporibus anni, mensium & dierum partibus, vel locorum situ excelso, profundo, humido vel sicco, vel pro ut Soli est oppositus, vel etiam quatenus exhalationibus admiscetur, considerare neque vacat, neque omnino arbitramur esse necessarium.

Tandem ad *Ignem*, præ cæteris corporibus ac Elementis *subtilissimum* pariter ac *velocissimum*, contemplandum provehimur, quemque singulis corporibus, pro habitu & dispositione ipsius materiei inesse quotidie videmus. Hinc enatam existimamus distinctionem inter plura ignis genera: Sciendum est multa esse ignis genera: *flammam* videlicet, & quod ab ea est *accensum*, quod urit quidem, *lumen* vero nullum oculis adfert: quodve *extincta flamma* in illis quæ accensa fuerant, remanet. (f) Hinc etiam est quod *Ægyptii ignem loco magni Dei* devenerati sunt, quia ad cunctorum generationem & incrementum multum confert. (g) Et quia pro habitudine & dispositione materiei rebus varie inest easque movet, deprehendere

(f) *Plat. in Tim.* (g) *Diod. Sic. Bibl. Hist. I: 12.*



dere licet alios ignes lucere tantum
& non calefacere, uti fluctus maris
dum adiguntur in scopulos, nec non
ignes è lignis putridis, itemque aliis
in aëre *phanomenis* elicitis: alios ure-
re & non micare, uti sanguis in cor-
pore, calx liquore aspersa multaque
alia molliora in putredinem vergen-
tia. Quemadmodum autem particulis
minutissimis constat ignis; ita quævis
obvia facilius penetrat & dissolvit, ocu-
losque aspicientium celerrime afficit, cu-
jus rei manifestissimum habemus exem-
plum in sclopetis & bombardis ex-
plosis, ubi ignis multo prius conspi-
citur quam cæteræ apparentiæ & ope-
rationes percipiuntur. Si itaque ignis
eliciatur, opus est latrone, frictione
& motu, ut globuli cœlestes ab in-
tervallis partium terrestrium expellan-
tur, & hæ ab invicem sejunctæ ce-
lerrimo materiæ subtilissimæ motu
raptæ impellantur, qua de re elegan-
ter Philosophus: *Ignis enim calorque,*
qui

qui alia gignit & regit, ipse ex latio-
 ne frictioneq³ efficitur: hic autem motus
 est. (h) Inde est quod veteribus pro-
 be cognitus & usitatissimus fuit mo-
 dus ille ignem eliciendi *ligno lignum*
terente, quibus terebrandis ignem gi-
 nebant, quod *ignitabulum*, πυρῳστωρον
 appellarunt, ligna verò ξύλα ξηρά vel
 ἀχάλκευτα τρύπανα vocitarunt. (i) Quod
 quoque *Plinius* contendere videtur in
 usu fuisse apud *pastores* & *castiorum*
exploratores, quibus ad excudendum
 ignem non semper lapidis occasio fu-
 it: Ignem autem excussum à fomite
 aliave arida materia supposita, in qua
 fovebatur, fuisse exceptum. Cui con-
 suetudini omni ex parte similis est ea,
 quæ apud nos obtinet, dum chaly-
 bem scilicet percutiendo ignes elicimus.
 Multum *alitur* & *sustentatur ignis* ali-
 is materiis compositis, præsertim pin-
 givibus, quæ eum acrius urgent &
 concitant: uti enim aër, ita ignis quo
 magis

(h) *Plat. in Tim.* (i) *Hesych. & Sophocl.*

magis coarctatur, eo acriorem erumpendi vim sortitur, quod comperimus partim hieme, partim aliis occasionibus, ubi ignes aquis obluſtantur & ab illis obrui ſe & extingvi nullo modo patiuntur. Præcipue hoc norunt *artis pyrobolicæ* periti, qui per longum ſatis tempus ignes in aëre aliis materiis incluſos, contra vim aquarum, alere poſſunt.

§. XVI.

Cæterum, quia quælibet res tanta apparet, quantam dicentis facultas eam exhibet, abs re fortassis non fuerit, ſub finem *Differtationis noſtræ*, uſum *Hiſtoriae Naturalis in Civili & Chronologia* paucis monſtrare. Ut itaque creatoris notitiam, quæ ex eleganti rerum natura ac ordine cuiſvis homini abunde pateſcit & enarratur (k) hic mittamus, ſciendum eſt uſum ejusdem non

(k) *Pſal.* 19. 2. *Rom.* 1: 20. *Sap.* 13. 3. 4. 5. 9. *Syr.* 38: 6. 43.

non esse, ut curiosis & inanibus ingeniis gratificetur, sed ut vel cognitio habeatur melior ipsarum rerum, quæ *Historia civili* mandantur; vel ut *Tempus* ipsum, ex quo actiones plerasque memorabiles contemplamur & metimur, ex corporum naturalium vicibus & motu exactius supputemus. Id quod voluisse *DEum* ipsum veritatis bonitatisque omnis fontem & auctorem liquido deprehendimus: (l) Cujus rei causâ laudem Deo tribuit Rex ille sapientissimus: Ille dedit mihi eorum, quæ sunt, cognitionem certam, ut cognoscam *Constitutionem mundi & vim elementorum. Principium & finem mediumq; temporum. Solstitiorum mutationes & varietates tempestatum, anni circuitus & stellarum situs, &c.* (m) Unde sapientes bene locutos esse accepimus: *Tempus una cum cælo factum est, ut una orta una etiam dissolvantur.* Et paulo post:

(l) Gen 1: 14. (m) Sap. 7. 17. 18. 19. 16, 28.

post : *Astrorum, Solis Lunaq; circuitus*
perquirendi sunt; ut universa civitas non
ignoret ordinem dierum in mensem, men-
sumq; in annum, atq; ita Tempora, solen-
nitates, sacrificia, ut decet, disposita na-
turali quodam ductu vivam civitatem
vigilantemque reddant, & diis honorem
tribuant, & homines ad hac prudentiores
efficiant. (n) Quod quoque Virgilius po-
eta per totum librum I Georg. commen-
dat. Et sane nulla rerum mensura per
tempora eorumque intervalla haberi
exacte poterit ab eo, qui naturalium
historia plane est destitutus. Quando-
quidem ut ordo temporum, quibus
quæque res actæ sunt, rite fervetur,
necesse erit, opinamur, ad eorum du-
rationem ex natura ipsa determinatam
recurrere. Quæ idcirco veritatis Anti-
stita & praeo, & totius quasi Philoso-
phiae metropolis habetur, quod tempus
κυκλικόν & exactum definit. Plura
non addimus.

Μόνον σφῶ καὶ αἰωνίῳ Θεῷ Δόξα!
 (n) *Plat. de legg. lib. 10.*

